



# Xabar

O'ZBEKISTON POCHTA VA TELEKOMMUNIKATSİYALAR AGENTLIGI NASHRI

1992 yil martdan chiqa boshlagan

2001 yil, 20 aprel № 16 (449)

Sotuvda narxi erkin

• МУАММО • МУЛОҲАЗА

## ФИРИБГАРДАН ЭҲТИЁТ БЎЛИНГ

**Республикамиз мустақилликка эришгач, телевидение соҳасида ҳам қатта ўзгаришлар рўй берди. Хусусан, «Камалак-ТВ» Ўзбекистон-Америка қўшма корхонаси ана шундай имкониятнинг мевасидир. Қўшма корхона Ўзбекистонда сунъий йўлдош орқали теледас-турларни Тошкент шаҳри ва Тошкент вилояти ҳудудларига узатадиган ягона компания ҳисобланади. Кейинги пайтларда хонадонларга «Камалак-ТВ» антенналарини ўрнатиб берман дегувчи фирибгарлар пайдо бўлмоқда.**

Республикамиз мустақилликка эришгач, телевидение соҳасида ҳам қатта ўзгаришлар рўй берди. Хусусан, «Камалак-ТВ» Ўзбекистон-Америка қўшма корхонаси ана шундай имкониятнинг мевасидир. Қўшма корхона Ўзбекистонда сунъий йўлдош орқали теледас-турларни Тошкент шаҳри ва Тошкент вилояти ҳудудларига узатадиган ягона компания ҳисобланади. Кейинги пайтларда хонадонларга «Камалак-ТВ» антенналарини ўрнатиб берман дегувчи фирибгарлар пайдо бўлмоқда.

Иккинчиси – анча сермахсул «ишбилармон»лар. Улар компания қодини билиб олиб, «Камалак-ТВ» сигналларини қабул қилиш имконини берадиган қурилмаларни бозорда (асосан Тезековда) сотишди. Одатда телевизор ва видеомагнитофонларга уландиган бундай қурилмалар унчалик қиммат бўлмайди. Чунки уларни «уста»ларнинг ўзлари ясайдилар. Бу қурилмалар телевизорнинг бир меъёردа ишлашига доимо ҳам тўғри келавермайди ва уни ишдан чиқариши ҳам мумкин.

Учинчиси – энг хавфлиси. Булар – ҳақиқий жиноятчилар бўлиб, «Камалак-ТВ» ускунасини ўғирлаб сотадилар. Ушбу ўғирланган ускуналар билан қўлга тушган мижоз ҳам ўғрининг шериги сифатида жавобгарликка тортилади.

Хўш, бундай товламачилардан ҳимояланиш чоралари борми? Албатта бор. «Камалак-ТВ»нинг хизмат кўрсатиш учун тузиладиган шартномалари мижозларга ишончли кафолат ҳисобланади. Шарт-

нома ҳар бир мижоз билан алоҳида тузилиб, кўк рангли муҳр билан тасдиқланади. Фирибгарларнинг «Камалак-ТВ» ходими сифатида шартномаларнинг ксероноусхаси билан мижозларни алдаб кетмаслиги учун шундай қилинади. Компания ходимлари хизмат кўрсатиш жараёнида ўз гувоҳномалари билан юришади. Фирибгарларда эса бундай имконият йўқ. «Камалак-ТВ» билан мижозлар қонуний муносабат ўрнатгач, уларнинг манфаатлари ҳамisha ҳимоя қилинади. Хизмат сифатидан қоникмаган мижоз истаган вақтда компанияга мурожаат қилишга ҳақли ва унинг талаби ўз вақтида қондирилади.

Табиийки, фирибгарларнинг бундай кафолатларни беришга қалбаки ҳужжатлари асос бўлолмайди. Фирибгарлар куруқ ваъадан нарига ўтишолмайди.

«Камалак-ТВ» компанияси оқордида айтилганидек, истеъмолчининг манфаатларини ҳамisha биринчи ўринга қўяди. Зеро, у абонентларга юксак сервис хизмати кўрсатиш мақсадида ташкил этилган. Ҳозир компанияда ўз мижозларини фирибгарларнинг товламачиликларидан техник воситалар ёрдамида ҳимоя қилиш чоралари кўрилоқда.

Иззат АҲМЕДОВ



Давлат алоқа назоратининг санкциялаш ва шикоятлар билан ишлаш бўлими бошлиғи Иззатулла ТУРАҚУЛОВ тажрибали, синчков мутахассис сифатида жамоадошлари эътиборини қозонган.

Т. ЛУТФУЛЛАЕВ  
суратга олган

## «ТАҚДИМНОМА» МУҲОКАМА ЭТИЛДИ

«Тошкент почта» акционерлик жамияти жамоасининг навбатдан ташқари йиғилиши бўлиб ўтди. Унда «Ўзбекистон Республикаси прокуратурасининг аҳолини иқтимоий ҳимояга муҳтож қатламларига нафақа тарқатишда Почта ва телекоммуникациялар агентлиги тизимида йўл қўйилаётган қонунбузарлик ва суиистеъмолчиликларни бартараф этиш юзасидан тақдимнома»си муҳокама этилди. Ушбу долзарб ва айти пайтда муаммоли бўлган масала юзасидан Ўзбекистон почта ва телекоммуникациялар агентлиги Бош директори ўринбосари М. Махмудов маъруза қилди. Шундан сўнг музокараларда «Тошкент почта» АЖнинг пул ва почта жўнатмаларини сақлаш комиссияси раиси К. Алимов, Мирзо Улуғбек туманлараро филиали пул ва почта жўнатмаларини сақ-

лаш комиссияси раиси Н. Гаффарова ва Шайхонтохур туманлараро филиалининг инструктор тафтишчиси Т. Чашкиналар йўл қўймаслик учун кескин чора-тадбирлар кўрилиши лозимлиги ҳақида тақлифлар билдиришди.

Йиғилиш сўнггида «Тошкент почта» АЖ директори Ю. Мирсоатов яқунловчи нутқ сўзлаб, бу борада белгиланган вазифалар тўғрисида маълумот берди.

Х. КАРИМОВ

## КАБЕЛ ЎҒРИЛАРИ УШЛАНДИ

Яқинда «Тошкент шаҳар телефон тармоғи» акционерлик жамияти Миробод филиалининг Сирғали 1, 7, 8 мавзеларида 4400 сизимли, 80 метр кабел ўғирланди. Ўғирлик қилган икки нафар жиноятчи воқеа жойида дарҳол қўлга олинди ва улар устидан тергов ҳаракатлари бошлаб юборилди. Ушбу нохушлик туфайли телефонлари ишлай қолган 4900 абонент мушкулоти қорхона ходимларининг тезкор саъй-ҳаракатлари туфайли ҳал этилди.

Ўз мухбиримиз

## ОЛАМДА НИМА ГАП?

• ЯНГИЛИКЛАР • ВОҚЕАЛАР • ХАБАРЛАР

• Матбуотда «Коммунал хизмат кўрсатиш соҳасида иқтисодий ислохотларни чиқурлаштиришнинг янги босқичи тўғрисида» Ўзбекистон Республикаси Президентининг Фармони эълон қилинди.

• Токиодаги «Коника» фотосалонида «Ўзбекистон — Буюк ипак йўлидаги мамлакат» номили кўргазма намойиши яқунланди.

• Латвиялик «учар»лар илгари энг катта даромадни икона ва қадимий санъат асарларини хо-

ригга сотишдан оларди. Бироқ энди бундай нарса-лар сони камайиб қолгач, латвияликлар яхшилаб таъмирланган антиквар мебелларни сотишдан кўпроқ фойда кўрмоқда.

• Жорий йилнинг ўтган уч ойи мобайнида Россия чегара хизмати ходимлари томонидан 28 миллион рубл ва 180 минг доллардан ортиқ контрабанда маҳсулотлари мусодара қилинди.

• Япония олимлари компаниясига бегона кишиларнинг киришини юз фоиз

ҳимоя қилиш йўли топилганини айтишмоқда. «Магнусита дэнки» корпорацияси томонидан яратилган бу янгилик фойдаланувчининг юзи, бармоқ изи, кўз ва сочлари тузилишини фарқлай олади. Қурилмага митти фотокамера ва микрофон ўрнатилган. Компьютерда ишлаш учун унинг паролини билиш шарт эмас. Объективга қараб, бармоқни назорат қурилмасига қўйиш ва сўз айтиш кифоя.

• Лотин Америкаси муסיқаси ижрочидарига берилдиган «Гремми» мукофотини топшириш маросими Майами шаҳрида ўтказиландиган бўлди.

**Алоқа техникаси ва технологияси тез суръатлар билан ривожланаётган бир даврда почта алоқасининг бугунги аҳоли қандай? Эртанги куннинг почтаси қандай бўлиши керак? Мухбиримиз ана шундай саволлар билан «Қашқадарё почтаси» акциядорлик жамиятининг бош директори Умид Маматович ВОХИДОВга мурожаат қилди.**

– 1992 йили почта электр алоқасидан ажралиб чиқиб, мустақил алоқа корхонаси сифатида фаолият кўрсата бошлаган эди, – дея гап бошлади Умид ака. – Турли сабабларга кўра почта соҳасида иш ҳамми камайиб қолди. Демак, почтанинг маъқени сақлаб қолиш учун уни ислох қилиш лозим эди. Ана шу ахтиёж боис узок йиллардан буён давлат корхонаси бўлиб келган почта корхоналари акциядорлик жамиятларига айлантирилди. «Ўзбекистон почтаси» Давлат акциядорлик компанияси ташкил этилиб, вилоят почта корхоналари «Ўзбекистон почтаси» ДАК таркибига киритилди. Акцияларимизнинг 25 фоизи ходимларимизга, 40 фоизи «Ўзбекистон почтаси» ДАКга, 35 фоизи эса Давлат мулк кўмитасига тегиш. Мулк шакли ўзгаргани билан ижобий ўзгариш дарров сезилмади. «Қашқадарё почтаси» АЖ 1998 йилни 4,65 млн. сўм зарар билан якунлади. Акциядорларнинг 1999 йилдаги умумий йиғилишида эса бош директорликка мени сайлашди.

Хуллас, вазият ниҳоятда жиддий эди. Почта ишини жонлантириш, ходимларнинг менга, мижозларнинг почтага бўлган ишончини оқлаш за-

## ҚАШҚАДАРЁ ПОЧТАСИ: ИЗЛАНИШ, САМАРА ВА МУАММОЛАР

рур эди. Корхонанинг ночор аҳолига тушиб қолган молиявий аҳолини тиклаш мақсадида аввало, ноанъанавий хизматлар – газ, электр энергияси ва телефон хизмати учун тўловлар қабул қилишни жорий этдик. Газета сотувини йўлга қўйдик. 1999 йили 109 минг нухса газета сотилган бўлса, 2000 йилда бу рақам 134 мингга етди. 1999 йил учун 237 млн. сўмлик обуна биз орқали амалга оширилган эди. 2001 йил учун эса 344 млн. сўмлик обуна қабул қилиниб, шунинг ўзидан 56 млн. сўм соф даромад қилдик.

Эндиликда акциядорлар дивиденд, мукофот пули, рағбатлантирувчи мукофотлар ола бошладилар. Қолаверса, корхонамиз жамоасининг айрим аъзолари меҳнати ҳукуматимиз ва агентлик томонидан ҳам муносив баҳоланди. Қарши шаҳар 17 алоқа бўлими телеграфчиси Люция Люманова агентликнинг «Ўз касбининг устаси» фахрий унвонини кўлга киритган бўлса, Қарши шаҳар филиали алоқа бўлимининг оператори Зулайхо Каюмова эса «Шухрат» медалига сазовор бўлди. Корхонамиз бош ҳисобчиси Н. Наумова агентликнинг Фахрий ёрлиғи билан тақдирланди. Корхонамизнинг Қарши филиали ва 14 та туман филиалларида жами 1200 та ходим хизмат қилади. Шулардан 650 нафари почта ташувчилардир.

Ишимизни яхшироқ тасаввур

қилишингиз учун биргина Чирокчи филиали мисолида баъзи рақамларни келтирмакчиман. Чирокчи тумани майдони 400 минг гектарни ташкил этади. Шу боис, филиалда марказий почта бўлимидан ташқари яна 39 та почта бўлими бор, уларда жами 116 киши меҳнат қилади. Туман марказидан 80-90 километр масофада жойлашган алоқа бўлимлари ҳам бор. Шундай катта худудли туманга бор-йўғи икита «Дамас» ва битта «Тико» автомашинаси почтани тарқатишга мажбур. Энди бир тасаввур қилиб кўринг машиналар йўналишлар буйича кетган бир пайтда эздлик билан етказилиши лозим бўлган телеграмма келиб қолади. Уни вақтида етказиб бериш эса бизнинг бурчимиз. Шу боис йўналишдан келган машиналардан бирини шу телеграммага деб яна узок масофага жўнатишга мажбур бўламиз. Бензин танқислиги, бозор иқтисоди шароитида бу телеграммани эгасига етказиш биз учун қанчага тушишини ҳисоблаб чиқиш қийин эмас.

Шунга қарамадан хурсанд бўлишимиз керакки, почта соҳасига ҳам замонавий техника ва технологиялар кириб келмоқда. Акционерлик жамияти идорасида ҳозир 10 та компьютер ишлаб турибди. Филиалларимиз 80 фоиз компьютерлаштирилган. Уларга асосан обунага дахлдор ахборотлар, АЖнинг молиявий иқтисодий кўрсаткич-

лари киритилган. Энди маҳаллий компьютер тармоғини ташкил қилишни режалаштириб турибмиз. Яқин кунларда Шахрисабз ва Чирокчи туманлари билан модем алоқасини йўлга қўймоқчимиз.

Муаммолар ҳам йўқ эмас. Ҳаммаси бўлиб 33 та автомашинами борлигига қарамадан филиаллар билан ҳафтасига беш марта почта алмашувини амалга оширишга ҳаракат қилаётган бўлсакда, бензин муаммоси ҳануз ҳал бўлмади келяпти. Бизга ажратилган бензин миқдори ҳам ниҳоятда чекланган. Бундан ташқари, биласиз, қишлоқ жойлардаги почта бўлиmlарининг аксарияти собиқ колхоз ва совхозларнинг маъмурий биноларида жойлашган эди. Уларнинг ўрнида фермер хўжалиқлари ташкил бўлиб, бу бинолар шу хўжалиқларнинг мулкига айлангач, почта биноларини ўз балансимизга ўтказишимизга тўғри келяпти. Уларнинг кўпчилиги эса таъмирталаб бўлиб, эгакага келтириш ҳам ўзимизнинг зиммамизга тушаётди.

Кўпгина вилоятларда «Алоқабанк»нинг филиаллари очилган. Бизда эса йўқ. Истагимиз газета орқали «Алоқабанк» раҳбарларига етиб бориб, масала ҳал бўлса, Қашқадарёда ҳам Почтабанк хизмати йўлга қўйган бўлардик.

Фурсатдан фойдаланиб, обуна масаласи ва ўзимизнинг «Ха-

бар» газетаси ҳақида ҳам икки оғиз гапирмоқчиман.

Обуна борасида 2000 йили бўляпти. Масалан, 2000 йили 66390 та газетача обуна бўлинган бўлса, 2001 йили бу рақам 67553 тага етди. «Хабар» газетасига келса, шахсан мен ҳар бир соҳанинг ўз наشري бўлиши керак деган катъий фикрдман. Шу нуқтаи назардан «Хабар» газетасининг ташкил этилиши ва мунтазам чиқиш туриши айна мудоабдир. Ходимларимиз «Хабар»ни севиб ўқишади. Обуна ҳам шунга яраша. Масалан, Бешкент филиалида 70 та одам ишлайди. 2000 йил учун улар «Хабар»га 63 та обуна бўлишган эди. 2001 йили обуначилар сони 224 тага етди. 2000 йилда «Хабар»нинг вилоят бўйича обуначиси 949 та эди. 2001 йил учун бу рақам 1191 тани ташкил этди. Бу борада вилоятимизнинг кўпгина туманларида ўтган йилдагига қараганда анча ўсиш бор. Умуман, обуна борасида кўп нарса жойлардаги раҳбарлар ва мутасаддиларга ва... нашрининг ўзига боғлиқ. Агар газета соҳа ингиликлари, муаммолари, ютуқ ва камчиликлари изчиллик билан ёритиб бориб, соҳа фидойиларининг ибратомуш ишларини ўқувчиларга етказиб турса, шунингдек, алоқачилар билан доимий ва мустахкам муносабатда бўлса, муштарийлар сони ўз-ўзидан кўпаяверади.

**Т. ЛУТФУЛЛАЕВ,**  
«Хабар»нинг  
махсус мухбири  
Тошкент–Қарши–Тошкент

**«ALSKOM» акциядорлик жамияти Сугурта компанияси ўз акциядорларига акциядорларнинг йиллик умумий йиғилиши 2001 йил, 15 май, соат 10.00 да Ўзбекистон почта ва телекоммуникациялар агентлиги (Тошкент шаҳар, А. Толстой кўчаси, 1 уй.) биносидан ўтказилишини маълум қилади.**

### КУН ТАРТИБИ:

1. Компания фаолиятининг 2000 йилдаги асосий натижалари тўғрисида бош директор ҳисоботи.
2. Акционерлик жамиятининг 2000 йилдаги молиявий-хўжалик фаолияти натижалари бўйича тафтиш комиссиясининг ҳисоботи.
3. Компания Кузатув кенгаши таркибини ўзгартириш.
4. Компаниянинг 2001 йилги бизнес-режасини тасдиқлаш.
5. Компаниянинг 2000 йилги молиявий-хўжалик фаолиятини текшириш учун аудиторнинг тасдиқлаш.
6. 2000 йил учун дивидендлар тақсимлаш.
7. Хорижий инвесторларга берилган акциялар баҳорининг курс бўйича ўзгариши.
8. Компания Устав фондини ошириш.
9. Компания бош директорини тайинлаш.

**«ALSKOM» акциядорлик жамияти Сугурта компаниясининг 2001 йил, 1 январ ҳолатига**

АКТИВ		ПАССИВ	
Кўрсаткичлар номи	СУММА	Кўрсаткичлар номи	СУММА
1. Асосий воситалар (қридик жамияти)	3126	1. Устав фонди	60470
2. Узок муддатли инвестициялар	10662	2. Тақсимланмаган фойда	3481
3. Ишлаб чиқариш заҳиралари	733	3. Заҳира фондлари	7436
4. Тугатилмаган ишлаб чиқариш		4. Келгуси давр даромадлари	20245
5. Келгуси давр ҳаракатлари	9045	5. Олинган аванслар	26668
6. Пул маблаглари	72088	6. Бюджет билан ҳисоблашув	442
7. Қисқа муддатли қўйимлар	2500	7. Меҳнатга ҳақ тўлаш бўйича ҳисоблашув	404
8. Дебиторлар	442	8. Иқтисодий суурта ва таъминот бўйича ҳисоблашув	117
9. Таъсисчилар билан ҳисоблашувлар	20855	9. Бюджетдан ташқари фондлар бўйича ҳисоблашув	140
		10. Бошқа кредиторлар	48
<b>БАЛАНС АКТИВИ БЎЙИЧА ЖАМИ</b>	<b>119451</b>	<b>БАЛАНС ПАССИВИ БЎЙИЧА ЖАМИ</b>	<b>119451</b>

Баланс кўрсаткичлари ҳақиқийлиги «AUDITOR 777» Аудиторлик фирмасининг аудиторлик хулосаси билан тасдиқланган.

**КУЗАТУВ КЕНГАШИ**

## КОНСТИТУЦИЯМИЗНИ МУКАММАЛ ЎРГАНАЙЛИК

Мустақил юртимизда демократик тамойилларга асосланган ҳуқуқий давлат қуришга бел боғлаган эканмиз, фуқароларнинг ўз ҳақ-ҳуқуқлари ва бурчларини мукаммал билишлари муҳим аҳамиятга эгадир. Шу боис, Президентимизнинг 2001

йил, 4 январдаги «Конституцияни ўрганиш тўғрисида»ги Фармони айна мудоаб бўлди. «Наманган почтаси» акционерлик жамиятида конституцияни ўрганиш дастури ишлаб чиқилди. Шунингдек, ҳар бир филиал алоқа бўлиmlарида Конститу-

цияни ўрганиш бурчаги ташкил этиш тавсия этилди. Бу ишлар аввало, чекка туманлар ва қишлоқларда амалга ошириляпти.

**Б. БОЛТАБОВ,**  
жамоатчи мухбиримиз,  
Наманган вилояти

## ЎЗБЕКИСТОН РЕСПУБЛИКАСИ АҲОЛИСИ ВА МЕҲМОНЛАРИ ДИҚҚАТИГА

Ўзбекистон Республикаси қонунларига мувофиқ, Республикамиз ҳудудига 10 кГцдан 40 ГГц тўлқинлар оралиғида ишловчи сертификатга бўлмаган радиотелефонлар, радиотарқаткич қурилма асбобларини РУХСАТНОМАСИЗ ОЛИБ КИРИШ ТАЪҚИҚЛАНАДИ.

Радиоэлектрон асбоблар туркумига барча радиотарқаткичлар, шу жумладан:

**Узоқ масофага мўлжалланган радиоузаткичлар;  
Симсиз телефонлар (радиотелефонлар);  
Кўлда олиб юрилувчи (портатив) радиостанциялар қиради.**

Ўзбекистон Республикаси ҳудудига рухсатномасиз олиб қилинган ҳамда сотилаётган ва фойдаланилаётган радиоэлектрон воситалар ўрнатилган тартиб бўйича олиб қўйилади.

Республика ҳудудига ушбу радиоэлектрон воситаларни рухсатномасиз олиб қилган, сотаётган ва фойдаланаётган ШАХСЛАРГА НИСБАТАН АМАЛДАГИ ЎЗБЕКИСТОН РЕСПУБЛИКАСИ ҚОНУНЛАРИГА МУВОФИҚ ЖАВОБГАРЛИК ЧОРАЛАРИ КўРИЛАДИ.

Харид қилиш, сотиш ва фойдаланиш рухсатномаларини олиш учун Ўзбекистон почта ва телекоммуникациялар агентлиги ЭЛЕКТРОМАГНИТ МОСЛАШУВ МАРКАЗИГА мурожаат қилишингизни сўраймиз.

Манзил: Тошкент шаҳри, 700099,

Амир Темур кўчаси, 117-уй.

Телефонлар: 137-63-67; 137-63-68; 35-53-87.

Электромагнит мослашув маркази

## ЯНГИ ПОЧТА МАРКАЛАРИ

«Ўзбекистон маркаси» акциядорлик жамияти Алишер Навоийга бағишланган почта маркалари тўпламини муомалага чиқарди. Унда Навоий асарларига ишланган миниатюралар тасвирланган. Кўп нухсада чоп этилган ушбу янги почта маркаларининг баҳоси 60, 70, 85, 90 ва 125 сўмлик.

Шунингдек, Ўзбекистон Республикаси герби тасвири туширилган 20, 30 сўмлик стандарт почта маркалари ҳам муомалага чиқарилди.

Ўзбекистон почта ва телекоммуникациялар агентлиги жамоаси котибати етакчи мутахассиси Собира Маҳмадова отаси **Турғун ЙЎЛДОШЕВИН**га вафот этганлиги муносабати билан чуқур таъзия изхор этади.

**COSCOM GSM** уяли алоқа хизматларидан фойдаланинг!



Донолардан бирининг шундай ибратли галини ўқигандим: «Инсон қалбини фақат санъат билангина очиладиган қопқоқча си бўлади». Ҳақ гап. Болаликдан гўзалликка, нафосатга ошно этиб тарбияланган одамнинг маънавий дунёси ҳам соғлом бўлади. Ҳамма гап ана ўша маънавийтни тўғри тарбиялашда! Сир эмас, ўтиш даври бу борада муайян қийинчиликларни тугдирмоқда. Ешлар китоб ўқимамай кўйдим, улар мумтоз адабиётимиз ва санъатимизга қизиқишмайди дея нолиймизу бу борада дадилроқ амалий ишга қўл ургимиз келмайди. Кундалик икир-чикирлар, турмуш ташвишларидан устун туrolмаймиз.

Дарвоқе, камтарликни йиғиштириб қўйиб айта қолай, худди шу масалада яқинда ўзим шахсий намуна кўрсатдим. Нима қилдингиз дейсизми? Рассом ўғлим Алишер билан Бадиий академиянинг марказий кўргазмалар залида давом этаётган Наврўзга бағишланган расмлар кўргазмасини бориб томоша қилдик. У ердан чиқиб, Юнус Ражабий уй-музейига бордик. Эски танишим, уй-музей директори, Ўзбекистон халқ хофиси Ҳасан Ражабий ота-

сининг бой мусиқий мероси, ҳаёти ва ижодига дахлдор, диққатга сазовор экспонатлар ҳақида мароқ билан, тўлқинланиб ҳикоя қилди. Мақом куйлари оғушида хофизнинг дил сўзларини тингла-

сом ўғлимнинг ҳам мусиқий меросимизга муносабати ўзгаргандек туюлди. Ҳасан ақанинг мумтоз мусиқа рассом ижодига таъсир этиши, бой мазмун, оҳанг бағишлаши мумкинлиги ҳақидаги

санъат, маданият маркази бўлиб келган. Шу боис алломалару ижодкорлар табиий равишда марказга интилганлар. Французларнинг «Шоирлар қишлоқда туғилиб, шаҳарда ўладилар» деган гапи ҳам бежиз айтилмаган.

Афсуски, Тошкентда яшаб туриб, пойтахтнинг кенг имкониятларидан баҳраманд бўлмай умр ўтказаётганлар ҳам оз эмас. Хориждан келган меҳмонлар биринчи галда Тошкент, Самарқанд, Бухоро, Хиванинг тарихий, меъморий обидалари, бетакрор манзаралари, музейларини томоша қиладилар. Шундай экан, бебаҳо қадриятларимизни биринчи галда ўзимиз эъзозлашимиз, қадрига етишимиз лозим. Зеро, **Ватанпарварлик** аввало Ватанни, унинг бой тарихи ва қадриятларини ўрганишдан бошланади. Мустанқиллик бу масалада бизга бекиёс имкониятлар берди...

Ҳар гал пойтахтнинг Амир Темур хиёбонида буюк соҳибқироннинг мағрур қад ростлаб турган ҳайкалини кўрарканман, кўнглимда чексиз фахру гурур туяман.

Шодмон ОТАБЕК

## ОЛДИНГДАН ОҚҚАН СУВНИНГ ҚАДРИ ... БОР

канман, фақат буюк санъаткор алломамиз Юнус Ражабийнигина эмас, балки умуман бебаҳо, бетакрор, бой мусиқа меросимизни ҳам қайтадан кашф этгандек бўлдим. Шу аснода беҳитиёр мумтоз мусиқа санъатимизга беписанд қарайдиган, уни тинглагиси келмайдиган ёшларга ачинаиб кетдим. Кўнглимда кечаётган уйлари пайқагандек, Ҳасан ака шундай деди: «Ёшларни мумтоз мусикамизга жалб қилишнинг йўли бор. Богчаларда, мактабларда мумтоз мусикамизни тинглаш, уни тушуниш соатларини ташкил этиш лозим. Бой меросимизни бешиқдан бошлаб боланинг онгу-шуурига синдириб бориш керак».

Назаримда, бу гапларни диққат билан тинглаган рас-

сўзларини Алишер бош силкиб маъқуллади. Ота-бола таассуротларимизни музей дафтарига ёзиб қолдирдик. Ҳасан ака билан яна тез-тез кўришиб туришга ваъдалашиб хайрлашдик.

Ташқарига чиққач, Юнус Ражабий уй-музейининг шундоқ ёнида жойлашган атоқли ёзувчи Абдулла Қаҳҳор уй-музейига кўзим тушди. Пойтахтда бундан ташқари яна Фафур Фулом, Ойбек, Тамарахоним уй-музейлари ҳам борлигини эсладим. Бу муқаддас, табарруқ даргоҳларни, оилавий бўлиб томоша қилишни кўнглимга тугиб қўйдим. Нега дейсизми? Негаки, олдиндан оққан сувнинг қадри... бор.

Пойтахтлар, йирик шаҳарлар азрўйи-азалдан илм-фан,



Табиат, ўзингсан гўзал ҳам сулув.

### ИЧКИЛИК ҲАҚИДА

Мунтазам ичиш зарарлидир. У жигар ва мия фаолиятини бузади, асабини бўшаштириб, асаб касаллигига ва бевақт ўлимга олиб келади.

ИБН СИНО

Ичкилик ичиш захар ичиш каби зарарлидир.

СЕНЕКА

Кўпгина тентак ва ақли заифлар ичкиликка берилган отаналардан тугилади.

Ф. БЭКОН

Ичкиликка ружу қўйган аёллардан тугилган болалар ўз оналарига ўхшаган бўладилар.

АРАСТУ

Кимки ичса, у тубанлик йўлига кирган бўлади.

Ж. ЧОСЕР

### ОТАНИНГ ҲАҚҚИ

Бир куни Расулulloх саллalloху алайҳи васалламнинг хузурларига бир йигит келиб отасидан шикоят қилди:

– Эй Расулulloх, отам менинг молимни олиб, ўзи истаганидай сарф қиляпти. Айтинг, менинг молимга тажовуз қилмасинлар, – деди. Расулulloх саллalloху алайҳи васаллам йигитнинг отасини чақиртирдилар. Ота Расулulloх алайҳиссаломнинг хузурларига келди ва йиғлаб туриб шундай деди:

– Эй Расулulloх, бир пайтлар ўғлим заиф, ёрдамга муҳтож эди, мен куч-қувватга тўла эдим. У фақир, мен бой эдим. Лекин ҳеч қандай овқатни ундан қизганмас эдим. Энди эса қаридим. У улғайиб, давлатли бўлди. Энди ўғлим мenden молини қизганиб, уни ишлатишимни ман қиляпти.

Отанинг сўзларидан бутун мавжудот, борлик йиғлагандай бўлди. Шунда Расулulloх саллalloху алайҳи васаллам йигитга хитоб қилиб:

– Сен ва сендаги мол отангникидир, – дея марҳамат қилдилар.

### ОБ-ҲАВО ДАРАКЧИЛАРИ

Мушук кўпроқ сув ичса ҳаво айнийди. Қулала бўлиб ётса – ёмғир ёғади.

Ит бошини олд оёқлари орасига олиб, гўжанак бўлиб ётса, совуқ бўлиши кўтилади.

Товуқлар баландроқ жойга чиқиб, патларини тозаласа, ёмғир кўтилади.

Товуқлар ёмғирдан ўзини олиб қочмаса, ёмғир узок ёғмайди.

Қузда чумоли уюми кўп бўлса, қиш қаттиқ келади.

Қалдирғоч баландроқ учса ҳаво очик ва қуруқ бўлади, пастлаб учса – ёмғир ёғиши мумкин.

Қора булутларнинг пастлаб, тез сузиб юриши узок давом этадиган ёмғир белгисидир.

Кечқурун шафақ тўқ қизил бўлса, эртасига ҳаво очик бўлади.

### ТАБРИКЛАЙМИЗ!

«Жиззах Телеком» шўба корхонаси ва қасаба уюшмаси кўмитаси жамоалари Зарбдор филиали иктисодчиси **Абдурахмон НАМОЗОВ**ни тугилган куни билан самимий табриклайди. Унга узок умр, сихат-саломатлик, оилавий бахт ва келгуси ишларига улкан зафарлар тилайди.

«Андижон Телеком» акциядорлик жамияти ва вилоят алоқа ходимлари бирлашган қасаба уюшмаси кўмитаси жамоалари корхона бош директори ўринбосари **Ҳасан ПАТИДИНОВ** ва Қўрғонтепа филиали муҳандиси **Ёкубжон ТУРДИЕВ**ларни таваллуд қилган куни билан чин қалбдан табриклайди. Уларга бахт-саодат, оилаларига тинчлик-хотир-жамлик тилаб қолади.

**МУАССИС:**  
Ўзбекистон почта ва телекоммуникациялар агентлиги

Бош муҳаррир:  
Шодмон  
ОТАБЕК

ТАХРИР ҲАЙЪАТИ:  
Шомансур ОБИДХУЖАЕВ  
Шухрат ЖАББОР  
Анатолий КУДИНОВ  
Иззат АҲМЕДОВ  
(Бош муҳаррир ўринбосари)  
Мирпўлат МИРЗО  
Рустам ҚОСИМОВ  
Қуролбой ТЎЛЕБОВ  
Ёкубжон ХЎЖАМБЕРДИ

ЖАМОАТЧИЛИК  
КЕНГАШИ:  
Саидмахмуд АКБАРОВ  
Шохрух АКБАРОВ  
Ортиқбой АБДУЛЛАЕВ  
Меҳмонкул  
ИСЛОМКУЛОВ  
Тўлқин  
ЛУТФУЛЛАЕВ  
Бобохон ШАРИФ

МАНЗИЛИМИЗ: 700000,  
Тошкент-35, А. Толстой  
кўчаси, 1.



ТЕЛЕФОНИМИЗ:  
136-36-42, 136-35-29,  
144-29-09.  
Факс: 136-36-42.  
ИНДЕКС: 64600  
ЖУМА КУНЛАРИ  
ЧИКАДИ

Тахририятга келган қўл-ёзмалар (2 ораликда, 5 бетдан ошмаслиги лозим) ва суратлар муаллифларга қайтарилмайди. Мақола-лардаги фикр-мулоҳазалар, келтирилган факт ва рақамлар масъулияти муаллифлар зиммасидадир.

Газета Ўзбекистон Республикаси Давлат матбуот кўмитасида 00011 рақам билан рўйхатга олинган.

Буюртма № Г-2339.  
5107 нусхада чоп этилди.

Офсет усулида босилди.

Бичими А-3, ҳажми 1 босма табоқ,  
Газета «Шарқ» нашриёт матбаа акциядорлик компанияси босмахонаси компьютерда терилди ва чоп этилди.

«ШАРҚ» НАШРИЁТ-МАТБАА АКЦИЯДОРЛИК КОМПАНИЯСИ БОСМАХОНАСИ.  
Манзили:  
Тошкент шаҳри,  
«Буюк Турон» кўчаси,  
41-уй.

Босишга топширилди — 19.00  
Босишга топшириш вақти — 18.00

1 2 3 4 5 6